



REPUBLIKA E SHQIPËRISË
KOMISIONERI PËR MBROJTJEN NGA DISKRIMINIMI

Nr. 1040/1 prot.

Tiranë, më 13. 09. 2021

V E N D I M

Nr. 170, datë 13. 09. 2021

Bazuar në pikën 11¹, të nenit 33, të ligjit nr. 10221/2010 "*Për Mbrojtjen nga Diskriminimi*", të ndryshuar, Komisioneri për Mbrojtjen nga Diskriminimi:

K O N S T A T O N:

Mbështetur në nenin 32, pika 1, gjerat "a", dhe pika 3 e këtij neni, nenit 33 të Ligjit 10221/2010 "*Për Mbrojtjen nga Diskriminimi*", të ndryshuar, Komisioneri për Mbrojtjen nga Diskriminimi, ka ndjekur të gjithë hapat që parashikon procedura e hetimit, për të shqyrtuar ankesën nr. 131, datë 13.11.2020, të paraqitur nga V. G., kundër Drejtorisë së Përgjithshme të Policisë së Shtetit (në vijim DPP) dhe Drejtorisë Vendore të Policisë Durrës (në vijim DVP), në të cilën pretendohet për diskriminim për shkak të gjinisë² dhe gjendjes arsimore³.

Bazuar në nenin 33/10 të Ligjit 10221/2010 "*Për Mbrojtjen nga Diskriminimi*", të ndryshuar, në përfundim të procedurës së hetimit, Komisioneri ka dalë me Vendimin nr. 93, datë 28.05.2021, me anë të të cilit ka vendosur: "*Konstatimin e diskriminimit, të shtetases V. G., në punësim, nga ana e Drejtorisë së Përgjithshme të Policisë së Shtetit dhe Drejtorisë Vendore të Policisë Durrës, për shkak të gjinisë.*".

¹ Nëse Komisioneri urdhëron rregullime ose masa, personi kundër të cilit është paraqitur ankesa, raporton brenda 30 ditëve para Komisionerit në lidhje me veprimet e ndërmarra për zbatimin e vendimit. Në rast se personi, kundër të cilit është paraqitur ankesa nuk e informon Komisionerin ose nuk e zbaton vendimin, Komisioneri vendos masë për ndëshkimin me gjobë për personin kundër të cilit është paraqitur ankesa. Sanksioni me gjobë shfuqizohet nëse personi kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni.

² Për shkak se ankuesja nuk emërohet në një pozicion pune që përkon me gradën "Komisar", në raport me punonjësit burra të cilët mbajnë të njëjtën gradë.

³ Për shkak se ankuesja nuk emërohet në një pozicion pune që përkon me gradën "Komisar".

Përsa më lart, në pikën 3 të këtij vendimi, si masë konkrete për të përmirësuar situatën diskriminuese Komisioneri është shprehur se: *“Në referim të pikës 1, Drejtoria e Përgjithshme e Policisë së Shtetit dhe Drejtoria Vendore e Policisë Durrës të marrin masa për rivendosjen në vend të të drejtës së shkelur duke rikthyer subjektin ankues në një pozicionin pune në DVP Durrës, i cili të përshtatet me gradën policore ‘Komisar’”.*

Me shkresën⁴ Nr. 3830/2 prot., datë 25.06.2021, Drejtoria e Përgjithshme e Policisë së Shtetit, ka kthyer përgjigje Komisionerit, duke deklaruar në mes të tjerash se në asnjë rast DPP, nuk ka nxjerrë akte administrative në kundërshtim me dispozitat ligjore të ligjit nr. 10221, datë 04.02.2010 *“Për Mbrojtjen nga Diskriminimi”*, të ndryshuar.

Në përgjigje përsa sipërcituar, me shkresën Nr. 1040 prot., datë 07.07.2021, Komisioneri i është drejtuar Drejtorisë së Përgjithshme të Policisë së Shtetit, duke i sqaruar se: *“Në pikën 4 të këtij vendimi, është kërkuar që, Drejtoria e Përgjithshme e Policisë së Shtetit dhe Drejtoria Vendore e Policisë Durrës, detyrohen që brenda 30 (tridhjetë) ditëve të njoftojnë Komisionerin, lidhur me veprimet e ndërmarra për zbatimin e këtij vendimi. Në këtë kuptim, nga Drejtoria e Përgjithshme e Policisë së Shtetit apo Drejtoria Vendore e Policisë Durrës, nuk është vënë në dispozicion të Komisionerit asnjë informacion sa i përket veprimeve konkrete të ndërmarra për zbatimin e pikës 3 të Vendimit Nr. 93, datë 28.05.2021.*

Në referim të nenit 33, pika 11, të Ligjit nr. 10221, datë 04.02.2010 “Për Mbrojtjen nga Diskriminimi”, të ndryshuar dhe pikës 5 të Vendimit Nr. 93, datë 28.05.2021, moszbatimi i këtij vendimi sjell si pasojë ndëshkimin me gjobë, sipas parashikimeve të pikës 13, të po këtij neni.”

Për sa më sipër, Komisioneri arrin në konkluzionin se Drejtoria e Përgjithshme e Policisë së Shtetit është në shkelje të parashikimeve të bëra në pikën 11, të nenit 33, të Ligjit 10221/2010 *“Për Mbrojtjen nga Diskriminimi”*, të ndryshuar, pasi nuk ka zbatuar Vendimin nr. 93, datë 28.05.2021 të Komisionerit për Mbrojtjen nga Diskriminimi.

PËR KËTO ARSYE:

Mbështetur në nenin 32/1, germa “ç”, neni 33, pikat 11, 12, 13/b, 14 dhe 33/1 të Ligjit nr. 10221, datë 04.02.2010 *“Për Mbrojtjen nga Diskriminimi”*, të ndryshuar, Komisioneri për Mbrojtjen nga Diskriminimi,

V E N D O S I:

- 1.** Drejtoria e Përgjithshme e Policisë së Shtetit, të gjobitet në vlerën 200.000 (dyqind mijë) lekë.

⁴ Protokolluar pranë KMD-së me Nr. 811/2 prot., datë 25.06.2021

Adresa: Rruga e Durrësit, Nr. 27, Kodi Postar 1001, Tiranë, Tel: +355 4 2431078, E-mail: info@kmd.al, Web: www.kmd.al

2. Gjoha të ekzekutohet dhe të derdhet në Buxhetin e Shtetit jo më vonë se 45 (dyzet e pesë) ditë nga komunikimi i këtij vendimi. Me kalimin e këtij afati, vendimi i dhënë shndërrohet në titull ekzekutiv dhe ekzekutohet në mënyrë të detyrueshme nga zyra e përmbarimit, me kërkesë të Komisionerit.
3. Pagesa e vlerës së gjobës të bëhet pranë çdo banke në llogarinë e thesarit Tiranë, për llogari të: Komisioneri për Mbrojtjen nga Diskriminimi, NIPT: L02027451K, Kodi: 1091001, Entiteti i Qeverisjes: 1, Distrikti (TDO), Llogaria ekonomike: 7115499.
4. Zbatimi i Vendimit nr. 93, datë 28.05.2021 të Komisionerit për Mbrojtjen nga Diskriminimi, brenda shtatë ditëve nga marrja dijeni për sanksionet, sjell shfuqizimin e tij.
5. Kundër këtij vendimi lejohet ankim në gjykatë, brenda 45 ditëve nga marrja dijeni, sipas parashikimeve ligjore të Kodit të Procedurave Administrative, të ndryshuar.

KOMISIONER

Robert GAJDA